



Ramhlun North YMA Chanchinbu

“YMA thuvawn: YMA chu tanpui ngaite tanpuitu”

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

YMA Day Chibai

Kum tin June ni 15 a lo thlen apiangin YMA Day kan hmang thin a, he ni hi sorkar chawlh pakhat anga ngai liam mai lovin, a hun a lo thlen hian midang te tana inpekna nasa leh zual kan neih theihna tura rilru siam thar lehna ni-ah te hmang thei ila a duhawm ngawt mai. He ni lo thleng turah hian “YMA chu tanpui ngaite tanpuitu a ni” tih hi vawng thar leh theuh ang u.

Ramhlun North Branch YMA member zawng zawng te YMA Day chibai vek ule. YMA vul zel rawh e.

**LALDINGLIANA SAILO
PRESIDENT, RNYMA**

BRANCH THU

- June thla khawharin hruaitu turte:
Leader : Pu John F. Lalrinsanga
Asst Leader : Pu KC Lalramluahpuia
OB Incharge : Pu Rorelliana
1. Pu Lalremsanga Hnamte
2. Pu K. Lalruatkima
3. Tv. Eddie Lalfakzuala
4. Pu Ronald Zothansanga
5. Pu C. Lallianzuala
6. Nl. G. Lalruatdiki
7. Nl. Lalromawii

■ Ramhlun North Arsenal Fans Group chuan English Premier League 2025-2026 a Arsenal Champion lawm nan group member te sum thawhkhawm ₹ 15,200/- chu thlan laih nan RNYMA-ah an hlan a, RNYMA in lawmthu kan sawi e.

SECTION THU

■ **Taitesena Section:** Ni 08.06.2026 (Thawhtanni) khan bungraw dahna luhkha siam tha in an hnatlang.

■ **Khuangchera Section:** Ni 11.06.26 (Ningani) zan khawharin ban khan YMA DAY Sports inbuatsaihna hnatlang Runmawi ah an nei.

- **Library duty turte:**
1. D Lianmanga, S-Sec.
2. Lawmsangpuii, S-Sec.
3. Timothy Lalbiakrema, S-Sec.
4. Josephine Lalthazuali, S-Sec.
5. Lalrokimi, S-Sec.
6. Lalremruati, K-Sec.

YMA Day vawi 91-na hmang turin inbuatsaih

Ramhlun North, the 13th June, 2026: Kumin YMA Day, June ni 15 hi YMA Day vawi 91-na tur a ni a, Ramhlun North Branch YMA pawhin he ni lawmna hun hman ngei ni se tia a lo rel tawh angin June ni 12, 2026 (Zirtawpni) zan atang khan Section hrang hrang intihsiakna futsal tournament neih niin, zanin, June ni 13 (Inrimni) hian futsal final hi khelh tura ruahman niin, he thu kan buatsaih lai hi chuan result kimchang kan hre hman ta rih lo a ni.

YMA Day lawmna pui ber hi June ni 15 (Thawhtanni)-ah neih a ni ang a, zingah veng chungh khawlai thenfai hnatlang nein, zana RSC Field-ah hun hman a ni dawn a, kohhran hrang hrang thalai pawl inkhawm zan a nih avangin inkhawm banah hun hman tan tur a ni. YMA Day lawmna hun hmanna hrang hrang hian ‘Section Kal Tam’ inelna a awm nghal zel ang a, intihsiakna dang futsal, article ziah leh beat contest te nen point belhkhawmin YMA Day lawmna intihsiakna hrang hranga ti tha ber ‘Champion’ thlan a ni ang.

Thawhtanni zingkar hnatlang leh zan lama hun hmannaah hian RNYMA member a tam thei ang ber tel turin kan insawm a, Thawhtanni zan hun hmannaah tel te hian Mizo hnam ziarang tilang thei thawmhnaw mahni remchan ang ang inbel tura ngen kan ni bawke. Thawhtanni zana hian ei leh in tuihna tak buatsaih a ni ang.

June ni 15 (Thawhtanni) zing dar 7:00 a vengchung thenfai hnatlang neih turah Section OB incharge leh Section Leader ten member kal chhiarna an nei dawn a, hei hi intihsiakna point nei zel a ni. Hnatlang inngahkhawmna tur hetiang hian ruahman a ni:

- Vanapa Section - Industry peng
- Taitesena Section - LT Bros. kawt
- Chawngbawla Section - RSC Field
- Neuva Section - Pu Lalbiakdawla te In kawt
- Khuangchera Section - Ramhlun East Biak In kawt
- Saizahawla Section - Chawngbawla Run

YMA Day lawmna programme

1st Session

Hruaitu : Pu Lalrochama, Chairman Organising Committee

Hunserh hmangtu : Nl. R.L. Chungnungi, Treasurer, Organising Committee

House Band : Music Sub-Committee

Report : Secretary, RNYMA

Thusawi : President, RNYMA

Inchhiar : Secretary & Asst. Secretary, Organising Committee

Cheraw : Cultural Sub-Committee

Lawmthu sawi : Pu R. Lalrinnawia, Vice Chairman, Organising Committee

2nd Session

Kaihruaitute : Nl. Helen Zochhingpuii

Beat Contest : Section hrang hrang

House Band : BZI Tochhawng

Result puan : Secretary & Asst. Secretary, Organising Committee

Tuipui fawn : Mood Station

VENGCHHUNG A UI KHUAHKHIRHNA DAN

1) Vengchungh U i khuahkhirhna dan leh Local Traffic Management thu zawm lo, tanngkam mawi lo taka Local Council Member lo tanngkhum te chu koh an niin, thu tha hrihl a zilh an ni a, ngaihdam an dil angin hriat thiam an ni a, tun hnuah tumah Local Council in koh ngai tawh lo tura fimkhur theuh turin kan inngen a ni.

2) Vengchungh U i khuahkhirh tlat a ni.

a) U i thlalak thehluh huntiam a ral tak avangin khauh taka u i khuahkhirh a ni dawn a, neitu tel lova u i chhuak chu man zel theih a ni.

b) U i neitu tel lova chhuak an awm chuan a U i man in emaw a thla lakin emaw Local Council Member te hnenah thehluh tur a ni a, U i neitun ₹ 1000 an chawi ang a, a mantuin ₹ 500 an hlawh ang.

c) U i zawng zawngin an Number an awrh ngei ngei tur a ni a, awrh lo an awm a man an nih chuan u i chuang anga ngaih tur a ni a, an chungah eng pawh thleng se sawi buai theih a ni lovang.

d) U i thlalak thawntu hi thup tlat a ni anga, Thlalak in thawn thuah a awm chuan a hmasa zawk pawm a ni ang.

e) U i Number awrh lo man an nih chuan an chawi tur ₹ 1000 bakah ₹ 200 an chawi belh ang.

f) U i man a awmin U i neituten darkar 48 chhungin an khul chhuak ngei ngei tur a ni.

g) U i thla kan lakin U i Number chiang taka a lan bakah a neitu Compound pawn a ni ngei a ni tih chiang takin alang tur a ni.

h) U i neituten kan U i inthiar tura kan hruaiin, an ek funna tur kengin felfai taka thenfai vek tur a ni a, a neitu tel lova khawlai a inthiar tura chhuah khap tlat a ni.

3) Kan vengchungh Inneitu tui connection la nei lo kan awm chuan June ni 10 ral hma in Local Council Secretary hnenah hetiang hian inhirattir tur a ni: Hming, Section leh Contact No.



HLIM TAKIN YMA DAY HMANG ILA

YMA Day lo thleng tur hi Ramhlun North Branch YMA chuan a pui thei ang bera hman turin ruahmanna a siam a, section hrang hrangte inelna hmuhawm leh lungtualna chherchhuaktu tling khawpa hman a nih ngei beisei a ni. Inelna hrim hrim hi pakhatna nih tum vanga intihsiakna chauh a ni lo va, kan branch chhunga section hrang hrang te inlungtualna tichaktu, thalai rilru hrisel leh hlimna pe tu tura ruahman a ni zawk tih hi kan hriat thar reng a pawmawm hle. Inelna boruak karah hian tlawmngaihna leh inngaitlawmna chhawm nung chung zela hlimna zawn thiam hi YMA member tha zia a ni.

He huna thil chhuanawm leh pawmawh tak pakhat chu 'vengchhung thenfai hnatlang' buatsaih a ni tur hi a ni. Mahni in leh tual mai ni lo, vengchhung hmun hrang hrang thenfai hnatlang kan neih tur hi thil lawmawm tak a ni. Kan chenna hmun a fai hian hriselna kawngah nasa takin hma kan sawn phah a, khawtlaw nungchang mawi thui tak a hril bawh thin. He hnatlangah hian thalai chauh ni lo, naupang, nu leh pa leh vengchhung mipui zawng zawng te thahnemngai taka kan penchhuah a, kan tha leh zung kan thawh khawm ngei a ful a ni.

A lawmna pui ber, YMA Day ni 15 zanah RSC Field-a hman tur phei hi chu hun hlimawm leh chhinchhiah tlak ni ngei sela, chutiang tur pawhin member-te pawh tang bawh ila. RSC Field-a Ramhlun North Branch YMA member kan punkhawm a, hlim taka kan zai ho tur leh hun hlimawm kan hman tur tluka nghahhlel a awm lo ve. Hemi hunah hian kan phurnate uar taka kan lantir rualin, YMA member nungchang mawi leh zahawm tak kan lantir tel a ngai a. A tualvel hmun hma tichhe lo leh bawhlhlawh hnutchhiah lo tura kan inbuatsaih erawh a ngai ang. Kumin Ramhlun North Branch YMA Day hman tur hi inlungtualna thar, veng fai leh nungchang mawi kan neih tharna ni turin hmang ila, member tam thei ang ber tel turin kan insawm a ni.



KHAWTHLIR

H.T LEWIN (THANGLIANA) LEH DARI

Pu Buanga leh Sap Upa te lo luh hma kum 20 velah khan India ram awptu British aiawha Tlabung leh Bangladesh inkar Chittagong Tlang Ram awptu T.H Lewin (Thangliana) khan Tlabung bul Sirte Tlang an tihah sawn a chenna tur liau liauin mizote chu in a lo sak tir tawh a. Hetih lai hian amah Thangliana hi tlangval kum 33 vel chauh a la ni a, tlang thenghaw nuam taka a in bathlar vel atang chuan mizo nula te tui chawi leh thingphur vel chu a thlir vauh vauh thin ani awme. Chu'ng nula zinga pakhat Dari, Lungchem khua chu kha'ng hunlai nula lian pawl tak kha niin a ngo ber pawl a ni bawh a.

Dari chuan Thangliana mit chu a la hle mai a, a puantah lai te rim in nileng lengin a thutthil thin a. Mizo nulate chuan tlangval a nih avangin a ina kal chu tih enah an en lo a, pa thenkhat leh lal leh upate erawh chu a kaiten velah chuan vaibel zu in nileng lengin an ti ti thin. Thangliana chuan Dari chu a ni telin a duh telh telh mai a, thil pek eng eng emaw pe in a rim ta zel a. Dari nu leh pate chuan Thangliana chu duh viau mahse mi rel leh sawi hlawh a hlauh avangin Dari zawk chuan eng emaw chen chu mitmei a hmuh duh lo a ni. Chuti chung chuan kum 1872 kum laihawm vel khan an insawi rem ta tho a, 1873 kumtir lamah chuan fapa duhawm tak an nei ta a.

Thangliana chuan fapa a han nei ta chu a lawm em em mai a, Tlabung khawlaiah te chuan kaiin a lenpui thin a ni. Nimahsela vanduaithlak takin a kal thei tan tihah chuan a boral ta hlauh mai a. An nupa chuan an tuarin an khua a har hle mai a, Tlabung khawlaiah te chuan an leng dun rak rak thin. Hemi kum tho kum 1873 kum tawpaw hian mizo lal pasarih leh an thuihuai mi sawmpakhat te chu Calcutta-ah a hruai thla a. Mizoram leh Mizote chawikanna tur ruahmanna tam tak a siam te chu a rilru lo ang taka puhin British sawrkar aiawh hotute chuan Mizorama a kir leh an phalsak ta lo a, kum 1874-ah chuan a hmangaih em em Mizote leh a nupui Dari chu kumkhua-a hmu leh tawh ngai lo turin sap ramah a hawsan ta a ni.

Chutia a pasal duh takin tui pui ral rama inhmu leh tawh ngai lo tura a ta hawsan chu Dari chu a khua a har thei em em mai a. An khua Lungchemah let lehin nuthlawi a lo ni ta a, sap nupui hlui a lo ni nen fehna-a lawm tur pawh a hmu zo ve ngai meuh lo.

Chutianga nun khawhar leh mi sawi sep sep a hlawh tak fo bawh si avang chuan pem mai te a duh ta a, a chungte puihnain Lungsen pasaltha nupui sun tawh nen an

insawi rem a, an innei ta a ni. Thangliana chu sap rama a inbenbel leh takah chuan nupui a nei leh a. British sawrkar hnuai a hna atang pawh chawl tawhin upat lam a lo hnaih ve tawhin, a hriselna chu a tla hniam zel a, doctor pan a ngai ta fo a. Hetih lai hian Mizoram Pathian thu hril turin, Pu Buanga te thian dunin kum 5 lai hun hmang turin, an kal a. Dari te khua leh a chhehvel an fanna ah Dari hi, a thian Thangliana nupui hlui a ni, tih te a hre chhuak a.

Kum 1915 December thla chuan October thla-a pu Buanga'n Lungleia a ziah lehkhathawn chu a dawng ta a. Lalhcheu-a lungdawha sa lu an tar tlar tiar tuar kara a (Thangliana) silai an la khai reng thu te hrilh in, "Heng mite zawng zawng aia nangmah hre rengtu ka thiant zinga mi chu hmeichhe fel tak Dari a ni. Dari chu Lungsenah a cheng a, helai tlang dung kum kal ta maia ka fan lai chuan a pasal chu a dam lo na hle tih min hrilh a. He putar hi damdawi hmanga chhan turin ka tlai hret a, a paw hle, tiin Thangliana chu, a lehkhathawnah a hrilh nghe nghe.

Dari chuan a pasal thih hnu chuan Kristiante awm dan chu a ngaihven ve a, thla eng emaw zat kal taah khan Kristianah a inpe ve ta a. He'ng an chanchin te hi nangmah ngei hrilh tur chein Dari chuan min ngen a. Enkawltu tur nei lova tar thi mai tur tih i hriat chuan i khawngaih hle ang tih a chiang hle a ni," tiin a ziak tel bawh.

Kum 1915 Krismas lain Thangliana chuan pu Buanga chu lehkhua a thawn let ve leh ta a, a thalak leh Dari pek tur pawisa eng emaw zat a thawn tel bawh a. Pu Buanga lehkhua a hmuh veleh Dari chu Lungleiah chuan a va zin nghal vat a. A bik taka a tah puan tha tak a keng a, pu Buanga hnenah chuan hlanin tha taka tuama a pasal peksak turin a chah ta a. Pu Buanga chuan a ngai pawmawh hle a, sap ramah a hawn thla a, Thangliana chenna inah chuan amah ngei chuan pek tumin a va kal ta a ni. An in a va thlen chuan an awmpui chauh a lo awm a, Thanglianate nupa chu inentirin London-ah an lo kal daih a lo ni a. Dari puan thawn chu an awmpui chu a hlan a, engmah pawh sawipui thei ta lo chuan pu Buanga chu a haw leh ta a. Hemi ni hi February ni 2, 1916 a ni a, Thangliana inentir zo hotel-a an let leh chu tlu sual zuin tlai dar 5:10-ah chuan a thi ta mai si a, pu Buanga leh Dari puan pawh chu damin a hmu hman ta lo a ni.

Dari pawh chu tar tak tak a lo ni chho ve ta a, a khawhar lungleng chuan a pasal Thangliana nena an chenna hmun hlui Sirte Tlang te chu a fang fo ?hin a. A lo upat zel takah chuan a laina hnai Chalgenga chuana inah hruaiin February ni 8, 1929-a a thih thlengin chutah chuan a awm ta a ni.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, , Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhuapzauva, Samuel Lalhluapia, Hmingthanzuala, Vanlalrinkima, R. Zodinsanga, Zothankhuma, Lalrinchana, K. Lalmuanpuia

ZIN & HAW

- Pu Henry VL Nghilhlova Zote (Jt. Editor), hna thil a Guwahati kal chu a lo haw leh ta.
- Nl. Lalhmangaih dawngi d/o C. Parliana (Fam), K-Sec. chhungkaw thil a Shillong zin chu a lo haw leh ta.
- Pu H. Malsawmtluanga te chhungkua, K-Sec. chu an hnathawhna hmun Lucknow atangin training turin an lo haw.
- Pi Lalnunthari w/o Samuela Hmar, S-Sec. chu a hnathawhna hmun Lunglei atangin chawlh hmangin a lo haw.
- Pu Lalfakzuala, N-Sec. leh Pi Lalhmunsangi w/o Pu Lalmanpuia Colney, C-Sec. an nu damlo hruaia Kolkata-a kal chu an lo haw leh ta.
- Pi Lalhmingmawii w/o Laltnamawia Pachuau, S-Sec. chu chhiat tawhna avangin Lungpho-ah a zin.
- Pu K. Vanlalngbaka te nupa, K-Sec. chhiattawhna avanga E. Phaileng a zin chu an lo haw leh ta.
- Tv. Lalrinpuia Tlau s/o Er. B Lalhmachhuana (L) T-Sec. chu a hnathawhna Puducherry atangin a lo haw.
- Pi Kamdingliani w/o G. Hmingthanga (L), S-Sec. chu a mit (eye) entir turin Guwahati-ah an kal a, a fanu Liandngpuii'n a kalpui.
- Pi Mary Lalnunpari w/o David Laltnpuia V-Sec. chu a fanu tlawhin Kolkata-ah a zin.
- Pu Lallura Zote, V-Sec. chu in check up turin Delhi-ah an kal.
- Pu K. Romawia V-Sec, Delhi-a a nghawng leh a thyroid zai chu tun kar khan dam takin a lo haw.

PAWL DANG

- **Mizoram Consumer Union, Ramhlun North Branch:** Mizoram Consumers' Union, Ramhlun North Branch 8.6.2026 a Committee chuan, Ramhlun North chhunga dawr neiten Cash Memo/Bill bu nei vek se la, an thil leitutan an dilin cash memo pe zel rawh se tiin rawtna a siam a. Hei hi Ramhlun North huam chhunga dawr neitute'n zawm ngei turin an ngen a ni.
- **Ramhlun Sporting Club:** Ramhlun Sporting Club chuan Community Hall (Taite tuikhur chung)-ah Teakwondo Zirna a butsaik leh dawn a, July thla atangin Class tan tum a ni. A kal duh tan Pu H. Rodingliana, Ph - 9862818415 leh Pu Lalhriatpuia Ph - 9862537706 ah te Admission a tih theih e. Admission fee - ₹ 500 Monthly fee - ₹ 400

KOHRAN

- **Presbyterian Kohhran, Ramhlun East:** 07.06.2026 (Pathianni) chawhnu leh zan khan Social Front Campaign neih a ni a, 'Social Networking leh Moral Reform' tih leh 'HIV/AIDS leh Ruihhlo chungchang' tih thupui te ngaihthlak a ni.

LEI PIAH LAMAH

Lalsawmzuala, K-78, h/o Lalchhingpuii, V-Sec. chu 09.06.2026 dar 7:00 AM khan a boral a, hemi ni vek chawhnu dar 1:00 ah Ramhlun North Thlanmual, Vemabaw ah vuiliam a ni.

Lalrawna, K-67, h/o Lalengthuami (Fam), V-Sec. chu 10.06.2026 dar 6:25 AM khan a boral a, hemi ni vek chawhnu dar 1:00 ah Ramhlun North Thlanmual, Vemabaw ah vuiliam a ni.

Lusun khawhar chhungte thlamuantu Pathianin vengin awmpui zel che u rawh se.

DAMLO

- Pi Lalruaikimi m/o Ramnunmawia, BECM chu Nazareth Hospital-ah enkawl mek a ni.
- Lalthazuali Hlawndo d/o Pu H. Lalremruata, BECM, chu food and mouth disease avangin in lamah enkawl mek a ni.
- Nl. BT Ralte d/o Pu J. Lalbuatsaiha (Fam), S-Sec. Dengue avanga in lama inenkawl pawh ziaawm lam a pan zel e.
- Pi Thanzami w/o Pachhunga (L), K-Sec. chu LRM Hospital-ah enkawl mek a ni.
- Nl. Laldawngliani d/o Lalzuala, C-Sec. chu Nazareth Hospital-ah enkawl mek a ni.
- Pu Joseph Ngursailova, S-Sec. chu Synod Hospital, Durtlang-ah enkawl mek a ni.
- VL. Hruaizeli d/o Vanlalmuana, N-Sec. chu Bronchitis, tonsil vung leh natna dang avangin, LRM Hospital-ah enkawl mek a ni.
- K. Liansangzela s/o K. Vanlalrova, N-Sec. chu Synod Hospital, Durtlang-ah a ke zai a ni.
- Pi Lalhmingthangi m/o Pu H. Zothansanga, C-Sec. chu Synod Hospital, Durtlangah enkawl mek a ni.
- Pu H. Vanlalauva, K-Sec. chu Nazareth Hospital-ah enkawl mek a ni.
- Pi Lalnunpuii w/o Pu K. Neihkapa, K-Sec. chu Synod Hospital, Durtlang ah a mit a lungte awm zai a ni.
- Pu Lalhmunsiam Varte, C-Sec. chu Aizawl Hospital-ah enkawl mek a ni.
- Pi Lalsangpuii w/o Rev. Vanlalngbaka Ralte, N-Sec, chu Synod Hospital, Durtlang atangin a lo chhuak leh ta.

LAWMAWM

- Pu Lalnunmawia, C-Sec. chu Sub-Inspector of Police (UB) atangin Inspector of Police (UB) ah a kaisang.
- Pu Samuel R. Lalhmangaiha te nupa, K-Sec. te chuan ni Ebenezer Hospital-ah fanu duhawm tak an nei.
- Nl. Lalremmawii d/o Laltnpuia (Fam), K-Sec. chu Assistant-ah a tling thar.



CHIBAI BUKNA

Kumin June ni 15, 2026-a Young Mizo Association (YMA) din champna wawi 91-na lo thlang turah hian Ramhlun North Branch YMA te ka duhsakna sang ber ka hlan a che u.

Mizo hnam hmasawwna leh himna atana YMA hnathawh hi a hlu tak zet a. Khawtlang muanna, himna leh hmasawwna atana Ramhlun North YMA hruaitute leh member-te rawngbawlna hi ropui ka tiin bial mipuite aiawhin lawmthu ka sawi a ni.

Ram leh hnam humhalh kawngah te, ruihhlo do kawngah te leh khawtlang siam thana kawngah tha thlah mai lova thahnmengai taka hma la chhunzawm zel turin ka ngen duh che u a. Khawtlang tana rawng inbawl leh zelna turah ka duhsakna sang ber ka hlan a che u.

YMA Day wawi 91-na hi hlawhtling leh hriat reng tlaka in hman theih nan ka duhsakna ka hlan a che u.

YMA vul reng rawh se!

DR VANLALTHLANA
MLA, AIZAWL NORTH-II (ST) AC &
MINISTER. SED/HTED/ICT
GOVERNMENT OF MIZORAM

SUB-COMMITTEE THU

- **Property sub-committee:** Kar hmasa Inrinni khan Property sub-committee-ten Tlanguana chhe lai siamtha in an hnathlang.
- **Library sub-committee:** Nl. Lalfaktluangi, C-Sec. hnen atangin lehkhabu 2 an dawng a. Tin, Pu Ruata Zote, C-Sec. hnen atangin lehkhabu pakhat an dawng baw a ni. Lawmthu an sawi e.

THILDANG

- Ramhlun North Urban Health and Wellness Centre chuan an mamawh em em, inverter chu Local Council hmalknain bialtu MLA Dr Vanlalhlana'n a ngaihtuah sak avangin lawmthu an sawi.
- Pu F. Ramliana te chhung, V-Sec. chu Pu F. Lalrempuia te in, T-Sec. ah an insawn.

SHEBAH TUI

Tui thianglim chawi tur a awm reng e.
Rs 0.12/ltr. Leitan Ramthar Zungtui Road.
60096 84085/8119865717 (5-3)

ADMISSIONS OPEN !! ICFAI University Mizoram

Heng Course hrang hrangah te hian seat tlem a la awm e.

Under Graduate Course: BBA; B.Com; BCA; BSW; B.A General Subjects

Post Graduate Course: MBA; MSW; M.Com; MSc Geography; M.A All Subjects

Diploma Course: BBA Hospitality & Tourism (1 year)

#Direct Admission a tih theih e. #Campus Placement kallanga an zirai zir chhuah ruala hna tha tak tak hmu an awm nual baw. # New Admission tan hian special scholarship chi hrang hrang a awm baw e.

Registration ti duh tan City Office, Chanmari, HDFC Bank bulah emaw Campus, Durtlang North-ah a tih theih reng e.

Contact: 9862743591 (3-2)

World Cup Lunglen

- BC&A, SECY, RNYMA.

FIFA World Cup 2026 an tan ta reng mai le. Kum li dana khelth thin World Cup hi a vawi 23-na a ni a, tunhma zawnga ram 32 tel thinnah hian tun tum atang hian ram 48-ah an tipuang a, game 104 khelth a ni dawn a, World Cup-a inkhel tam ber tum a ni dawn tihte, North America ram pathum- USA, Canada leh Mexico ten an inthlen tawm a, Mexico hian World Cup an vawi thum thlenna niin, World Cup thleng ngun ber ram an nih thute, World Cup-ah hian champion tawh ram pariat chiah chiah an la awm a, chung zingah chuan Brazil vawi nga champion tawhin an champion ngun ber tih te hi sawi ka tum hran lo, heng zawng zawng hi chu a Google theih vek a, tunlah chuan Google pawh kan ti leh tawh lo a, AI kan ti leh tawh zawk tak e. AI chi hrang hrang te hian thil zawng zawng a hre vek emaw tih mai tur khawpin a hriatna a zau nia! Tun tum chu AI pawhin a hriat loh tur lam 'World Cup Lunglen' i' n ti teh ang.

Kum 2010-a South Africa-in World Cup a thlen tum khan 'World Cup Lunglen' tih thupuaia hmangin MARYMA hi kan lo thai hnawk ve luklak tawh a, 2022-a Qatar-in World Cup a thlen tum, Argentina an champion a, Lionel Messi-a'n World Cup trophy dawng a, football khawvel a 'GOAT' a nih takna kumah khan (Ronaldo fans an ner teh ang chu, smiley pathum) 'Buena Suerte Leo Messi' tih thupuaia neiin MARYMA kan lo tial ve leh nual tawh baw kha a nia. Kumin chu English Premiere League a Arsenal CHAMPION kum te a lo ni baw ken, World Cup-ah "Chumi ram chu champion se aw," han tih deuh ngawih ngawih pawh ka nei lem lo e aw pipul. Engthawl zetin opening ceremony leh final halftime show a Shikara inthing kir vel te lo thlir vel mai mai te'ng!

Inkhel sawi takah chuan, Mizote hian inkhelha kan chak tumin "Lalpan thil ropui min tih sak e" hi kan ti teh chawka, kan chak loh tum hian min duhsak lo deuh tihna emawni dawn ni! Pathian awm ring lo, tawngtai ngai reng reng lo te pawh an champion fona khawvel a cheng kan ni miau a, Pathianin kut leh ke min pe a, chumi hmang thiam tura zirhiam theihna tur thluak min pe tel bawka a, chutianga a nih tawh hnuah chuan inkhelhnaa chak leh chaklo turah hi chuan arawn inrawlh vak hi kei ka ring tawh lo. A chak leh chak lo tur zawk arawn rel a nih chuan a chak lo lam tan fair-lo ka ti ngawt ang!

Khai le, lung i' n tileng tan dawn teh ang. Naupan laia football kan khelth ve thin lai khan a thiam lo deuh ber hi goal vengtu an ni tlangpui a, naupan lai leh tleirawh chhuah a thianho inkhel chang te khan kei hi goal vengtu ka ni deuh ziah a nih chu! Tum khat KTP sports-ah hruaitu football petah goal vengtu ka ni lehpek a, kan khelhpui te nen kan inhnehtawka ta si a, penalty pet a ngai ta. Vanneithlak takin lehlam goal vengtu kha hmeichhia a ni hlah. Goal vengtu thlak awih loh kan ti rang nasa. Penalty chu pet a ni ta. Kan la inhnehtawka zel. A tawpah goal vengtu ve vein pet a ngai ta. Hmeichhe goal venah chuan ka'n pet ta alawm, mahse, ka vanduai, a save tlat. Chutah hmeichhia chuan ka goal venah arawn pet ve ta. Ka vanduai leh zual. A goal tlat!

Football sawi takah chuan naupan laia kan sawi thin, khawvela ball pet na ber leh a nau goal ventham ber te chungchang kha kan lo theihngihlh tawh takin thai lang ve leh ila maw le. Ball pet na ber khan penalty a pet dawn a, a nau, goal ven thiam ber khan a veng dawn a. Ball pet na ber chuan, "Ka nau veng suh, i ven chuan i thi ang," a ti a. A veng lui. A pet ta. A lo dang. Mahse, amah chawpin goal chhungah a lut a, a thin a tla a a thi! Hei hi kan awih ve em em tho thin kha a nia!

Khai le, a tawp nan, World Cup-ah hian mak deuh chu pahnhna aiin pathumna an lawm zawk ziah. Lo en reng mah rawh u, pahnhna chu an ngui nghiai anga, pathumna chu an hlim ngawt ang!

BOARD EXAM

Regular class kal hman lo te tan Class X leh XII kumin October (2026) exam duh tan offline exam (NIOS) leh online exam (BOSSE) hnuaiah admision hawn mek a ni. Nakkum April 2027 Exam duh tan pawh admision hawn mek a ni. Fee hi installment in a theih e.

Contact: 8837052293, 8575287058 (4-3)

ADVERTISEMENT

SPTUI

(10-4)

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. Registration: MRS 542

Contact: 9862476439 (10-3)

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350 (10-3)

MAFELASEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-3)

PUIASEPTIC TANK SERVICE

Septic tank paih fai, commode block, pipe, commode fitting, soak pit leh a khur repairing engkim kan khawih thei e.

Rate: Inbiakremna Ph: 6909266562 (10-8)

SAWMASEPTIC TANK SERVICE

Septic Tank khat paih fai, Commode block, Pipe Fit, Sockpit thar siam, engkim kan thawk thei e.

Rate: Inbiakremna Ph: 8119969364 (10-6)

VANCHHAWNG SEPTIC TANK

Septic tank khat englai pawh in kan paih fai thei a, repair, commode block, pippe block kan siam thei bawka e,

Rate: Inbiakremna Ph. no: 9615458679 (10-6)

MD SEPTIC TANK SERVICE

Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077 (10-5)

VANLALFELA SEPTIC TANK

Septic tank paih fai, commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tawm e.

Contact: 9436199884 (10-5)

L.H. SEPTIC TANK SERVICE

Septic tank paih fai leh repairing engkim kan thawk thei e.

Kum 17 chuang experience nei kan ni e.

Rate: 4500/- per trip

Ph.: 6909183193 (10-4)

KHIANGTE SEPTIC TANK SERVICE

Septic Tank khat paih fai, khur chung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e.

Contact - 9862344971 Bawngkawn South (10-5)

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 9774223462 / 7005010327 (10-1)